

Na osnovu člana 12. tačka m) i člana 18. tačka b) Ustava Kantona Sarajevo („Službene novine Kantona Sarajevo“, br. 1/96, 2/96 - Ispravka, 3/96 - Ispravka, 16/97, 14/00, 4/01, 28/04, 6/13 i 31/17), Skupština Kantona Sarajevo, na 22. Radnoj sjednici održanoj dana 23.05.2025. godine, utvrdila je

NACRT

**ZAKONA
O REGISTRU FINANSIJSKIH POTRAŽIVANJA
U KANTONU SARAJEVO**

POGLAVLJE I - UVODNE ODREDBE

**Član 1.
(Predmet)**

- (1) Ovim zakonom utvrđuje se način uspostave, sadržaj i vođenje jedinstvenog registra finansijskih potraživanja u Kantonu Sarajevo (u daljem tekstu: Registar).
- (2) Registar je objedinjena evidencija podataka o finansijskim potraživanjima obveznika unosa podataka.
- (3) Pod obveznicima unosa podataka iz stava (2) ovog člana podrazumijevaju se: kantonalna ministarstva, kantonalne uprave i kantonalne upravne organizacije, stručne i druge službe organa zakonodavne i izvršne vlasti u Kantonu Sarajevo, Kantonalni sud u Sarajevu, Općinski sud u Sarajevu, Kantonalno tužilaštvo Kantona Sarajevo, Pravobranilaštvo Kantona Sarajevo, Univerzitet u Sarajevu, drugi budžetski korisnici Kantona Sarajevo, vanbudžetski fondovi, jedinice lokalne samouprave u Kantonu Sarajevo, pravobranilaštva jedinica lokalne samouprave u Kantonu Sarajevo, javne ustanove i javna preduzeća čiji je osnivač Kanton Sarajevo, javna preduzeća i javne ustanove čiji je osnivač jedinica lokalne samouprave u Kantonu Sarajevo, te pravna lica u kojim Kanton Sarajevo i/ili jedinica lokalne samouprave u Kantonu Sarajevo učestvuje sa više od 50% ukupnog kapitala.
- (4) Obveznici unosa podataka iz stava (3) ovog člana u Registar unose podatke o vlastitim finansijskim potraživanjima.
- (5) Registar se uspostavlja i vodi u elektronskom obliku pod nazivom Registar finansijskih potraživanja u Kantonu Sarajevo.

**Član 2.
(Definicija finansijskih potraživanja)**

Pod finansijskim potraživanjima u smislu ovog zakona podrazumijevaju se: potraživanja po osnovu javnih prihoda za koje evidenciju i kontrolu naplate vode obveznici unosa podataka iz člana 1. stav (3) ovog zakona (sudske takse, administrativne takse, naknade od koncesija, novčane kazne, vlastiti javni prihodi budžetskih korisnika, ostale naknade koje ostvaruju budžetski korisnici po važećim propisima i ostali neporezni javni prihodi), potraživanja od pravnih i fizičkih lica po osnovu kredita i pozajmljivanja i druga potraživanja po zaključenim ugovorima, potraživanja po osnovu regresnih postupaka, potraživanja po osnovu paušala i stvarnih troškova pruženih zdravstvenih usluga ino osiguranicima po osnovu potpisanih međudržavnih ugovora o socijalnom osiguranju, potraživanja po osnovu režijskih troškova po ispostavljenim računima za isporučenu toplotnu energiju, plin, voda, za održavanje čistoće i drugih komunalnih usluga, koja nisu plaćena u roku 180 dana od dana dospijea.

Član 3.
(Svrha Registra)

Registar iz člana 1. ovog zakona predstavlja jedinstvenu evidenciju podataka o finansijskim potraživanjima obveznika unosa podataka u svrhu centralizovanog, kvalitetnog i efikasnog upravljanja novčanim sredstvima u Kantonu Sarajevo (u daljem tekstu: Kanton).

Član 4.
(Rodna neutralnost izraza)

Izrazi koji su radi preglednosti dati u jednom gramatičkom rodu u ovom zakonu, bez diskriminacije se odnose i na muški i na ženski rod.

POGLAVLJE II - USPOSTAVA, SADRŽAJ I VOĐENJE REGISTRA

Član 5.
(Uspostava Registra)

- (1) Registar uspostavlja i vodi Ministarstvo finansija Kantona Sarajevo (u daljem tekstu: Ministarstvo).
- (2) Nakon uspostave Registra, njegovim daljim razvojem, unapređenjem i korištenjem podataka upravlja Ministarstvo.
- (3) Ministarstvo je ovlašteno da prikuplja, evidentira, obrađuje, koristi i arhivira podatke sadržane u Registru.
- (4) Na osnovu podataka sadržanih u Registru, Ministarstvo, u cilju efikasnijeg upravljanja finansijskim potraživanjima, naplatom finansijskih potraživanja kreira i predlaže politike, strategije i mjere koje razmatra i usvaja Vlada Kantona Sarajevo, a za jedinice lokalne samouprave, pravobranilaštva jedinica lokalne samouprave, javna preduzeća i javne ustanove čiji je osnivač jedinica lokalne samouprave te pravna lica u kojim jedinica lokalne samouprave u Kantonu Sarajevo učestvuje sa više od 50% ukupnog kapitala, razmatra i usvaja gradsko odnosno općinsko vijeće.
- (5) U obavljanju poslova u vezi sa Registrom, stručno-operativnu i tehničku pomoć Ministarstvu pružaju Zavod za informatiku i statistiku Kantona Sarajevo (u daljem tekstu: Zavod) i obveznici unosa podataka u smislu ovog zakona.

Član 6.
(Sadržaj Registra)

- (1) Registar čine podregistri potraživanja i to:
 - a) podregistar neporeznih potraživanja,
 - b) podregistar potraživanja iz ugovornih odnosa,
 - c) podregistar potraživanja po kreditima i pozajmljivanju,
 - d) podregistar komunalnih potraživanja i
 - e) podregistar vanbilansnih potraživanja.
- (2) Podaci o konkretnom finansijskom potraživanju unose se u odgovarajući podregistar iz stava (1) ovog člana, popunom predviđenih rubrika u aplikaciji informatičkog sistema.
- (3) Unos podataka o finansijskim potraživanjima obveznika unosa podataka vrši se na osnovu relevantne dokumentacije.

(4) Ministar finansija Kantona Sarajevo (u daljem tekstu: ministar) može dopunjavati uspostavljeni Registar, odnosno utvrđivati nove podregistre pored podregistara iz stava (1) ovog člana.

Član 7.

(Obaveza unosa podataka)

(1) Ministar donosi uputstvo kojim se bliže uređuje postupak unosa i verifikacije podataka unesenih u Registar.

(2) Obveznici unosa podataka dužni su imenovati odgovorna i ovlaštena lica za unos podataka u Registar u roku od 30 dana od dana stupanja na snagu ovog zakona i podatke o imenovanim licima u pisanoj formi dostaviti Ministarstvu.

(3) Upute za registraciju i dobijanje korisničke šifre sa odgovarajućom privilegijom sastavni su dio uputstva iz stava (1) ovog člana.

(4) Obveznici unosa podataka dužni su o svakoj promjeni odgovornih i ovlaštenih lica za unos podataka pisanim putem obavijestiti Ministarstvo u roku od sedam dana od dana promjene.

Član 8.

(Osiguranje uslova za vođenje Registra i edukacija)

(1) Rukovodilac obveznika unosa podataka odgovoran je za osiguranje potrebnih kadrovskih i tehničkih kapaciteta za unos podataka u Registar.

(2) Za provedbu obavezne edukacije odgovornih i ovlaštenih lica iz člana 7. stav (2) ovog zakona, nadležno je Ministarstvo.

(3) Edukacija iz stava (2) ovog člana će se realizovati u roku od 60 dana od dana stupanja na snagu ovog zakona.

Član 9.

(Rokovi za unos i verifikaciju podataka)

(1) Obveznici unosa podataka su dužni u roku od 120 dana od dana stupanja na snagu ovog zakona izvršiti unos podataka o svim finansijskim potraživanjima, u skladu sa njegovim odredbama.

(2) Nakon inicijalnog unosa podataka iz stava (1) ovog člana, obveznici unosa podataka su dužni sve naknadne promjene podataka uredno evidentirati u Registru najmanje jednom kvartalno, do posljednjeg dana tekućeg mjeseca za prethodni kvartal.

(3) Rukovodioci obveznika unosa podataka dužni su u rokovima iz st. (1) i (2) ovog člana elektronski verifikovati izvršeni unos potvrdom u odgovarajućem polju aplikacije.

Član 10.

(Odgovornost za tačnost podataka)

(1) Obveznici unosa podataka su odgovorni za tačnost podataka unesenih u Registar.

(2) Odgovorna i ovlaštena lica obveznika unosa podataka iz člana 7. stav (2) ovog zakona dužna su naknadno uočene pogrešne podatke korigovati odmah po saznanju.

Član 11.

(Vođenje Registra)

(1) Ministarstvo primjenom odgovarajućih rješenja podatke pripremljene od obveznika unosa podataka objedinjuje u jedinstvenu bazu automatskim preuzimanjem podataka.

(2) Ministarstvo je dužno da reaguje prema obveznicima unosa podataka i/ili preduzme zakonom propisane mjere ukoliko uoči nepoštivanje odredaba ovog zakona.

POGLAVLJE III - KORIŠTENJE PODATAKA

Član 12.

(Ovlaštenja za pristup podacima iz Registra)

- (1) Odgovorna i ovlaštena lica za unos podataka iz člana 7. stav (2) ovog zakona isključivo mogu pristupati podacima o finansijskim potraživanjima obveznika unosa podataka koji ih je imenovao.
- (2) Podaci uneseni pod jednom korisničkom šifrom mogu biti izmijenjeni pod drugom korisničkom šifrom dodijeljenom istom obvezniku unosa podataka.
- (3) Pored lica iz stava (1) ovog člana, pristup podacima u Registru imaju rukovodioci obveznika unosa podataka za podatke koji se odnose na finansijska potraživanja obveznika unosa podataka.
- (4) Ministar je ovlašten da pristupa svim podacima u Registru.
- (5) Pravo pristupa i upravljanja podacima ima i lice ovlašteno za administriranje Registra u Ministarstvu.
- (6) Izuzetno od stava (4) ovog člana, ministar može donijeti odluku kojom ovlaštenje za pristup svim podacima u Registru odobrava i drugom licu.
- (7) Lica iz st. (3), (4), (5) i (6) ovog člana nemaju ovlaštenje za unos podataka u Registar, izuzev ako su u skladu sa članom 7. stav (2) ovog zakona imenovani za odgovorna i ovlaštena lica.

Član 13.

(Ustupanje podataka)

- (1) Registar finansijskih potraživanja nije javan.
- (2) Ministarstvo nije ovlašteno distribuirati ili objavljivati podatke u njihovom izvornom obliku, niti ustupati bazu podataka bilo kojem fizičkom ili pravnom licu.
- (3) Ministar može sintetičke izvještaje, analize i informacije sačinjene na osnovu podataka iz Registra učiniti dostupnim u svrhu statističke ili naučno-istraživačke obrade, preduzimanja mjera na provedbi ovog zakona, te izvršavanja nadležnosti zakonodavne, izvršne ili sudske vlasti.

Član 14.

(Održavanje softverske aplikacije i zaštita podataka u Registru)

- (1) Za održavanje softverske aplikacije i očuvanje povjerljivosti, integriteta i osiguranje dostupnosti podataka u Registru odgovoran je Zavod.
- (2) Za povjerljivost korisničke šifre odgovoran je korisnik.

Član 15.

(Pohrana izmjena i ispravki podataka u Registru)

Zavod je dužan da osigura pohranu i čuvanje informacija o svim podacima prvobitno unesenim u Registar, bez obzira na njihove naknadne izmjene ili ispravke, te licima i korisničkim šiframa pod kojim su podaci prvobitno uneseni, odnosno naknadno izmijenjeni ili ispravljeni.

POGLAVLJE IV - KAZNENE ODREDBE

Član 16. (Kršenje odredaba)

- (1) Odgovorno i ovlašteno lice iz člana 7. stav (2) ovog zakona, koje namjerno ili iz nepažnje propusti da unese podatke ili izvrši unos netačnih podataka o finansijskim potraživanjima obveznika unosa podataka, ukoliko radnja ne sadrži obilježja krivičnog djela, kazniće se novčanom kaznom od 500 do 1.000 KM.
- (2) Za ponovljeni prekršaj iz stava (1) ovog člana odgovorno i ovlašteno lice kazniće se novčanom kaznom od 2.000 do 3.000 KM.
- (3) Za nepotpun ili netačan unos podataka iz stava (1) ovog člana i nepostupanje u skladu sa članom 7. st. (2) i (4) ovog zakona, kazniće se rukovodilac obveznika unosa podataka novčanom kaznom od 1.000 do 2.000 KM.
- (4) Za ponovljeni prekršaj iz stava (3) ovog člana, rukovodilac obveznika unosa podataka kazniće se novčanom kaznom od 3.000 do 5.000 KM.
- (5) Ministarstvo pokreće prekršajni postupak za prekršaje iz ovog člana, u skladu sa Zakonom o prekršajima („Službene novine Federacije BiH“, broj 63/14).

Član 17. (Disciplinska odgovornost)

Odgovorna i ovlaštena lica iz člana 7. stav (2) ovog zakona i zaposlenici Ministarstva i Zavoda, u svom djelokrugu rada i u skladu sa odredbama ovog zakona, podliježu disciplinskoj odgovornosti shodno posebnim propisima.

POGLAVLJE V – PRELAZNE I ZAVRŠNE ODREDBE

Član 18. (Donošenje podzakonskih propisa)

- (1) Ministar će u roku od 30 dana od dana stupanja na snagu ovog zakona donijeti uputstvo iz člana 7. stav (1) ovog zakona.
- (2) Zavod će u roku od 30 dana od dana stupanja na snagu ovog zakona donijeti akt kojim će propisati mjere, sredstva i uslove zaštite i pohrane podataka.

Član 19. (Nadzor)

Nadzor nad provođenjem ovog zakona vrši Ministarstvo.

Član 20. (Stupanje na snagu)

Ovaj zakon stupa na snagu osmog dana od dana objavljivanja u „Službenim novinama Kantona Sarajevo“.

Broj:01-02-28757/25
23.05.2025. godine
Sarajevo

Predsjedavajući
Skupštine Kantona Sarajevo
Elvedin Okerić

O B R A Z L O Ž E N J E

PRAVNI OSNOV

Pravni osnov za donošenje zakona o Registru finansijskih potraživanja u Kantonu Sarajevo sadržan je u odredbama člana 12. tačka m) i člana 18. tačka b) Ustava Kantona Sarajevo („Službene novine Kantona Sarajevo“, br. 1/96, 2/96 - Ispravka, 3/96 - Ispravka, 16/97, 14/00; 4/01, 28/04, 6/13 i 31/17), kojim je utvrđeno da Kanton Sarajevo ima sve nadležnosti koje nisu izričito povjerene Federalnoj vlasti ili koje ne spadaju u vlastite nadležnosti jedinica lokalne samouprave, a posebno je nadležan za finansiranje djelatnosti kantonalnih vlasti ili kantonalnih agencija oporezivanjem, zaduživanjem ili drugim sredstvima, i člana 18. tačka b) kojim je utvrđeno da je u nadležnosti Skupštine Kantona Sarajevo, između ostalog, i donošenje zakona i drugih propisa u okviru izvršavanja nadležnosti Kantona.

RAZLOZI ZA DONOŠENJE

Na nivou Kantona Sarajevo nije uspostavljena jedinstvena baza podataka o svim potraživanjima kantonalnih ministarstava, kantonalnih uprava i kantonalnih upravnih organizacija, stručnih i drugih službi organa zakonodavne i izvršne vlasti, i drugih budžetskih korisnika Kantona Sarajevo, vanbudžetskih fondova, jedinica lokalne samouprave, javnih ustanova i javnih preduzeća čiji je osnivač Kanton Sarajevo, javnih preduzeća i javnih ustanova čiji je osnivač jedinica lokalne samouprave u Kantonu Sarajevo, te pravnih lica u kojim Kanton Sarajevo i/ili jedinica lokalne samouprave u Kantonu Sarajevo učestvuje sa više od 50% ukupnog kapitala .

Jedinstvena evidencija takvih podataka je podloga temeljem koje bi bilo moguće vršiti potrebne analize, predlagati i donositi odgovarajuće politike, strategije i mjere, sa ciljem da se u konačnici efikasnije upravlja potraživanjima po osnovu naplate javnih prihoda, kredita, pozajmljivanja, naplate potraživanja po računima za toplotnu energiju, komunalne usluge i dr.. Objedinjenost podataka je od posebne koristi za praćenje i naplata potraživanja od dužnika pravnih i fizičkih lica prema institucijama Kantona, prema jedinicama lokalne samouprave i javnim preduzećima čiji je osnivač Kanton Sarajevo i jedinice lokalne samouprave u KS i dr.

Na osnovu svega naprijed obrazloženog, Ministarstvo finansija Kantona Sarajevo (u daljem tekstu: Ministarstvo finansija) procjenjuje da je uspostavljanje jedinstvenog registra finansijskih potraživanja u Kantonu Sarajevo od izuzetnog značaja, te predlaže Vladi Kantona Sarajevo da utvrdi Nacrt zakona o Registru finansijskih potraživanja u Kantonu Sarajevo.

Ministarstvo finansija je u postupku izrade ovog zakona , pozvalo sva ministarstva, uprave, zavode, direkcije, jedinice lokalne samouprave u kantonu sarajevo da se uključe u izradu zakona, te da svoje primjedbe, prijedloge , inicijative i mišljenja dostave na predloženi prednacrt zakona dostave Ministarstvu finansija.

Ministarstvo finansija je o provedenim konsultacijama sačinilo Izještaj.

PRAVNA RJEŠENJA

U članu 1. utvrđuje se predmet, definišu obveznici unosa podataka u Registar i propisuje da se Registar vodi u elektronskom obliku.

U članu 2. definišu se vrste finansijskih potraživanja koje se unose u Registar.

U članu 3. određena je svrha uspostave Registra.

U članu 4. definisana je neutralnost izraza koji imaju rodno značenje.

U članu 5. utvrđuje se nadležnost Ministarstvo finansija za uspostavu, vođenje i dalji razvoj Registra, ovlaštenje Ministarstva finansija za prikupljanje, evidentiranje, obradu, korištenje i arhiviranje podataka, bliže pojašnjava svrha Registra i organi koji su dužni da pružaju stručno-operativnu i tehničku pomoć u obavljanju poslova.

U članu 6. utvrđuje se sadržaj Registra, odnosno podregistri kao njegovi sastavni dijelovi, te daje ovlaštenje ministru finansija da svojom odlukom utvrđuje nove podregistre i na drugi način dopunjava uspostavljeni Registar.

U članu 7. utvrđuje se obaveza Ministarstva finansija da pripremi odgovarajuće uputstvo kojim se bliže uređuje postupak unosa podataka u Registar, reguliše način imenovanja odgovornih i ovlaštenih lica za unos podataka i dobijanje korisničke šifre, te rokovi za imenovanje i obavještanje Ministarstva finansija o imenovanju i promjeni lica odgovornih i ovlaštenih za unos podataka.

U članu 8. određuju se odgovorna lica za osiguranje potrebnih kapaciteta za obavljanje poslova, definiše organ zadužen za realizaciju edukacije i rok za provedbu edukacije.

U članu 9. definiše se rok za inicijalni retroaktivni unos podataka, određuje dalja dinamika unosa podataka i utvrđuje obaveza verifikacije izvršenog unosa od strane rukovodioca obveznika unosa podataka.

U članu 10. utvrđuje se odgovornost za tačnost podataka unesenih u Registar te korekcije naknadno uočenih pogrešaka.

U članu 11. definiše se automatizacija preuzimanja unesenih podataka od strane Ministarstva finansija i obaveza reagovanja u slučaju uočenog nepoštivanja odredaba zakona.

U članu 12. određuje se krug lica ovlaštenih za unos i nivoi privilegija za pristup i izmjenu podataka.

U članu 13. propisuje se da Registar nije javan te definišu ovlaštenja, uslovi i način ustupanja podataka iz Registra.

U članu 14. utvrđuje se odgovornost Zavoda za informatiku i statistiku Kantona Sarajevo za održavanje softverske aplikacije i očuvanje povjerljivosti, integriteta i dostupnosti podataka u Registru, te odgovornost korisnika za povjerljivost korisničke šifre.

U članu 15. uspostavlja se obaveza Zavoda za informatiku i statistiku Kantona Sarajevo da osigura pohranu informacija o unesenim podacima i korisničkim šiframa pod kojim su podaci uneseni.

U članu 16. date su kaznene odredbe za kršenje odredaba ovog zakona.

U članu 17. propisana je disciplinska odgovornost.

U članu 18. utvrđuje se odgovornost i rokovi za donošenje podzakonskih akata.

U članu 19. uređuje se da nadzor nad provođenjem ovog zakona vrši Ministarstvo finansija

U članu 20. propisano je stupanje na snagu zakona.

FINANSIJSKA SREDSTVA

Za provođenje ovog zakona nisu potrebna dodatna finansijska sredstva u budžetu Kantona Sarajevo.

MIŠLJENJA NA NACRT ZAKONA

Ministarstvo pravde i uprave je na Nacrt zakona o Registru finansijskih potraživanja u Kantonu Sarajevo dalo Mišljenje u kojem se ukazuje da je u postupku donošenja ovog propisa potrebno

konsultovati jedinice lokalne samouprave u skladu sa članom 4. stav (6) Evropske konvencije o lokalnoj samoupravi i članu 56. zakona o principima lokalne samouprave U Federaciji BiH.

Ured za zakonodavstvo Vlade Kantona Sarajevo je na Nacrt zakona o Registru finansijskih potraživanja u Kantonu Sarajevo dao svoje Mišljenje u kojem se daje preporuka Ministarstvu finansija da u postupku donošenja ovog propisa obavi konsultacije sa jedinicama lokalne samouprave na području Kantona Sarajevo.

Vezano za navedene preporuke date u Mišljenju Ministarstva pravde i uprave Kantona Sarajevo i Ureda za zakonodavstvo Vlade Kantona Sarajevo, dajemo odgovor:

Ministarstvo finansija je u postupku izrade prednacrt zakona o Registru finansijskih potraživanja pisanim putem pozvalo na konsultacije jedinice lokalne samouprave u Kantonu Sarajevo. Jedinice lokalne samouprave (općine i Grad Sarajevo) nisu dostavile svoje primjedbe, prijedloge , sugestije i dr., odnosno nisu se očitovale na predloženi prednacrt zakona.

IZVJEŠTAJ
O PROVEDENIM KONSULTACIJAMA NA PREDNACRT
ZAKONA O REGISTRU FINANSIJSKIH POTRAŽIVANJA U KANTONU SARAJEVO

Ministarstvo finansija je na konsultacije na prednacrt zakona o Registru finansijskih potraživanja u Kantonu Sarajevo pozvalo ministarstva Kantona Sarajevo, kantonalne uprave, zavode, jedinice lokalne samouprave u Kantonu Sarajevo.

Svoje prijedloge, mišljenja i sugestije na prednacrt zakona dostavili su Ministarstvo za boračka pitanja, Ministarstvo unutrašnjih poslova, Ministarstvo za rad, socijalnu politiku, raseljena lica i izbjeglice, Ministarstvo privrede, Zavod zdravstvenog osiguranja Kantona Sarajevo, Kantonalna uprava civilne zaštite.

MINISTARSTVO UNUTRAŠNJIH POSLOVA

“U vezi vašeg akta broj i datum veze u kojem ste tražili dostavljanje prijedloga, inicijativa u vezi Prednacrt Zakona o registru finansijskih potraživanja u Kantonu Sarajevo, obavještavamo vas da Ministarstvo unutrašnjih poslova Kantona Sarajevo nema primjedbi, prijedloga, inicijativa na Prednacrt Zakona o registru finansijskih potraživanja u Kantonu Sarajevo. “

**MINISTARSTVO ZA RAD, SOCIJALNU POLITIKU,
RASELJENA LICA I IZBJEGLICE**

“Aktom broj: 13-05/1-02-29621/24 ovo ministarstvo je dana 31.05.2024.godine svim ustanovama iz resora dostavilo Prednacrt Zakona o registru finansijskih potraživanja u Kantonu Sarajevo. Od strane ustanova nije bilo sugestija niti mišljenja kada je u pitanju tekst navedenog prednacrt.”

MINISTARSTVO ZA BORAČKA PITANJA

„iz Ministarstva finansija Kantona Sarajevo nam je dostavljen Poziv na konsultacije, a po pitanje prednacrt Zakona o registru finansijskih potraživanja u Kantonu Sarajevo.
U predviđenom tekstu se eksplicitno pominju potraživanja po osnovu kredita i pozajmljivanja, a kao finansijska potraživanja se podrazumjevaju potraživanja koja nisu plaćena u roku od 90 dana od dana dospijeca.

Na pozicijama Ministarstva za boračka pitanja se evidentiraju krediti za zapošljavanje kao i pozajmice za rješavanje stambenih potreba.

Kreditni za zapošljavanje su plasirani od 1997-2017. Od budžetske 2018. godine nije bilo novih plasmana, a u međuvremenu je u potpunosti ukinuto pravo na odobravanje kredita, kako zbog nemogućnosti novih plasmana, tako i zbog problema sa naplatom ranijih plasmana.

Kreditni su se uvijek plasirali putem poslovnih banaka koje su vodile brigu o naplati i koje imaju uvid u tok otplate. Zaduženje u knjigama kantona je formalno prema bankama, a banke duže krajnje korisnike sa kojima su sklapali ugovore.

Svi kreditni plasirani po 2007. godine, kada je ova materija uređena novom Uredbom, su dospjeli i naplata se vrši na osnovu sporazuma o sudskoj ili vansudskoj nagodbi ili prinudno. Iznos potraživanja po ovim plasmanima (po glavnici i kamati) je oko 8 miliona KM, koji su preneseni na sporna i sumnjiva potraživanja, a radi se o blizu 700 plasmana

Kod kredita koji su plasirani kasnije ih je još dosta u redovnoj otplati, a takođe ima onih koji su u postupku prinudne naplate. Radi o 100tinjak plasmana sa nenaplaćenim iznosom od oko 1,7 miliona KM (po glavnici i kamati).

analitičkih izvještaja prvenstveno prema Ministarstvu finansija (koje evidentira uplate). Ministarstvo za boračka pitanja nema podatke niti resurse da unosi podatke kakvi su predviđeni u registar, a i čak da se utvrdi procedura importa podataka kojima respolažu banke upitno je koliko će se imati razumijevanje banaka da formiraju i ažuriraju nove forme izvještavanja, pogotovo kada se u uzme u obzir da se u ogromnom broju slučajeva radi o kreditima koji su trebali biti vraćeni i prije više od 10 godina, i gdje s obzirom na populaciju kojoj su krediti bili odobravani od banaka tražilo da dužnicima izlaze maksimalno u susret u smislu dogovorne otplate duga (uz otpis zakonskih kamata) čime je rok otplate višestruko prolongiran.

Takođe obzirom da su ugovorom o cesiji iz 2012. godine preuzeta potraživanja od Raiffeisne banke (blizu 200 slučajeva), eventualna naplata ide direktno na račun kantona (prinudna naplata, sporazumi sklopljeni uz asistenciju Pravobranilaštva KS), ali obzirom da se sredstva u zavisnosti od vrste i načina naplate uplaćuju na transakcijski i depozitni račun (ne postoji posebni izdvojeni račun putem kojeg bi se vršila naplata) nije uspostavljen sistem na osnovu kojeg bi se podaci mogli u kontinuitetu pratiti i ažurirati.

Pozajmice za rješavanje stambenih potreba su plasirane od 2003.-2019. godine isključivo putem banaka koje su vodile brigu o naplati i koje imaju uvid u tok otplate i zaduženje u knjigama kantona je praktično prema bankama, a one duže krajnje korisnike sa kojima su sklapali ugovore. Ovo pravo je takođe ukinuto zbog problema sa nezaintersiranosti banaka za ovakve poslove, ali i potencijalnih problema sa povratom, kako zbog situacije u koju dužnici dolaze (gubitak poslova, smanjenje prihoda zbog odlaska u penziju) ali i sve češće smrti (i najmlađi demobilizirani branitelji sada imaju oko 50 godina)

Ukupno je plasirano preko 1000 kredita, na rok dospeljeća i do 25 godina, pri čemu se takođe bankama sugerisalo da iznalaze načine za sporazumno rješavanje problema ukoliko je došlo do istih prilikom otplate. Poslovne banke plate plasman i preduzimaju mjere za naplatu i dostavljaju određene forme analitičkih izvještaja prvenstveno prema Ministarstvu finansija (koje evidentira uplate). Ministarstvo za boračka pitanja nema podatke niti resurse da unosi podatke kakvi su predviđeni u registar. Posebno pitanje je slučaj ukoliko dođe do odustajanja određene banke sa daljom naplatom, kakav je bio slučaj sa Bankom srpske ad Banjaluka - sljednicom Balkan Investment banke ad putem koje su plasirane pozajmice na teret budžetski 2011. i 2012. godine, koja je otišla u stečaj i gdje dužnici povrat vrše na transakcijski račun Kantona Sarajevo koji je evidentiran kao izlučni povjerilac iako se radi o poslovima iz bankarskog sektora.

Uspostava registra potraživanja je zasigurno potrebna, ali se isti neće moći adekvatno popunjavati na način kako je predviđeno, a pogotovo ne u zacrtanim rokovima, podacima koji se odnose na plasmane koji se evidentiraju kod Ministarstva za boračka pitanja.

Vjerujemo da će se sa sličnim problemima susresti druga ministarstva kod kojih se vode određeni plasmani, te se pitanja ovakvih plasmana mora gledati zasebno od potraživanja koja imaju ostali predviđeni obveznici unosa podataka koji zbog prirode posla kojim se bave imaju uspostavljene odgovarajuće evidencije kao i odgovarajuće tehničke i ljudske resurse."

Stav nosioca izrade zakona: Sugestije i mišljenja se djelimično prihvataju

MINISTARSTVO PRIVREDE

„U skladu sa Vašim aktom broj 08-01-02-29621/24 od 20.05.2024.godine dostavljamo vam prijedlog na tekst prednacrta Zakona o registru finansijskih potraživanja kako slijedi:

U članu 2. definisano je da se u registar unose potraživanja koja nisu naplaćena u roku od 90 dana od dana dospeljeća,

Predlažemo da se rok od 90 dana izmjeni i da glasi "180 dana".

Obrazloženje: obračun naknada po osnovu datih koncesija (zbog specifičnosti predmeta obračuna: iskorištena voda, eksploatisani kamenolomi itd.) vrši se kvartalno tj. za period od 90 dana tako da bi se u registar unosila potraživanja koja nemaju karakter sumnjivih i spornih potraživanja. Također, izmjenom roka za unos potraživanja Zakon bi se uskladio sa Računovodstvenim politikama za budžetske korisnike trezora Kantona Sarajevo tačka X, podtačka 39. "130000 - Kratkoročna potraživanja" ("Službene novine Kanton Sarajevo", broj 52/22) odnosno da se u

potraživanja" i odgovarajućim kontima u kontnom planu za privredna društva.

Ovom izmjenom olakšao bi se rad na unosu potraživanja a ne bi se narušila funkcionalnost i efikasnost registra.”

Stav nosioca izrad zakona: Prijedlog se prihvata

ZAVOD ZDRAVSTVENOG OSIGURANJA SARAJEVO

“Aktom Ministarstva zdravstva Kantona Sarajevo broj 10-02-29621/24 od 31.05.2024. godine prosljeđen nam je prednacrt Zakona o registru finansijskih potraživanja u Kantonu Sarajevo sa pozivom za dostavu inicijativa, sugestija i mišljenja o predloženom tekstu Zakona.

Shodno predloženom članu 2 prednacrtu Zakona i napomeni da se navedu vrste potraživanja koje postoje kod obveznika iz člana 1., ističemo da se u poslovnim knjigama Zavoda evidentiraju potraživanja od pokrenutih regresnih postupaka, te potraživanja po osnovu paušala i stvarnih troškova pruženih zdravstvenih usluga ino osiguranicima po osnovu potpisanih međudržavnih ugovora o socijalnom osiguranju. Sredstva ostvarena po ovom osnovu predstavljaju neporezne prihode Zavoda. U skladu sa navedenim, Zavod bi kao obveznik unosa podatka koji se u članu 1. navodi kao "vanbudžetski fondovi", eventualno mogao biti obveznik unosa ovih potraživanja.

U vezi sa članovima 2. i 6., u Prednacrtu se navodi da će u okviru registra jedan od podregistara biti i pod registar potraživanja po osnovu dospjelih, a neplaćenih poreznih i neporeznih javnih prihoda. S tim vezi, ističemo da je članovima 14. i 14a. Zakona o doprinosima definisano da je za kontrolu pravilnosti obračuna i uplate doprinosa i njihovu prinudnu naplatu isključivo nadležna Porezna uprava FBiH. Takođe, članom 14c. Zakona se definiše da nadležne organizacione jedinice Porezne uprave vode evidencije o obračunatim i uplaćenim doprinosima iz plaća i na plaće. U tom smislu Zavod nije nadležna institucija za formiranje potraživanja po osnovu dospjelih i neplaćenih doprinosa i kao vanbudžetski fond ne može biti obveznik unosa podataka po ovom osnovu, tako da bi bilo potrebno Zakonom preciznije definisati ove odredbe, kako u njegovoj implementaciji ne bi dolazilo do nejasnoća i pogrešnih tumačenja.”

Stav nosioca izrade zakona: prijedlog se prihvata

KANTONALNA UPRAVA CIVILNE ZAŠTITE

“Postupajući po vašem aktu broj i datum veze, dajemo sugestiju da se u tekstu prednacrtu Zakona o registru finansijskih potraživanja u Kantonu Sarajevo, u članu 2. (Definicija finansijskih potraživanja) uvrste potraživanja po osnovu potupožarnog obezbjeđenja.”

Stav nosioca izrade zakona: Prijedlog se prihvata



Bosnia and Herzegovina
Federation of Bosnia and Herzegovina
CANTON SARAJEVO
Ministry of Justice and Administration

Broj: 03-04/1-02-35554/24
Sarajevo, 08.07.2024. godine

KANTON SARAJEVO
MINISTARSTVO FINANSIJA
Dr. Afan Kalamujić, ministar

PREDMET: Nacrt Zakona o Registru finansijskih potraživanja u Kantonu Sarajevo, mišljenje –

VEZA: Vaš akt, broj: 08-01-11-29621/24 od 05.07.2024. godine

Postupajući po Vašem aktu, broj i datum gornji, na osnovu odredbi člana 7. Zakona o ministarstvima i drugim organima uprave Kantona Sarajevo ("Službene novine Kantona Sarajevo", broj 40/22) i člana 4. stav 6. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", br. 50/17 - Drugi novi prečišćeni tekst, 2/18 - Ispravka i 32/22), Ministarstvo pravde i uprave razmotrilo je nacrt Zakona i daje sljedeće

MIŠLJENJE


Nacrt Zakona o Registru finansijskih potraživanja u Kantonu Sarajevo je propis kojim se ne povrjeđuju prava zaštićena odredbama Evropske konvencije o zaštiti ljudskih prava i osnovnih sloboda, niti je u suprotnosti sa drugim pravnim aktima, kojima je utvrđena zaštita ljudskih prava i sloboda.

Uzimajući u obzir nadležnosti Ministarstva pravde i uprave propisane u članu 7. Zakona o ministarstvima i drugim organima uprave Kantona Sarajevo ("Službene novine Kantona Sarajevo", broj 40/22) koje se odnose na oblast lokalne samouprave, te da se dostavljeni nacrt Zakona tiče prava i obaveza lokalne samouprave, ukazujemo da je u postupku donošenja ovog propisa potrebno konsultovati jedinice lokalne samouprave, shodno članu 4. stav 6. Evropske povelje o lokalnoj samoupravi i članu 56. Zakona o principima lokalne samouprave u Federaciji Bosne i Hercegovine ("Službene novine Federacije Bosne i Hercegovine", br. 49/06 i 51/09).

S poštovanjem,

Dostaviti:

1. Naslovu;
2. a/a.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-083, Fax: + 387 (0) 33 562-241
Web: <http://mpu.ks.gov.ba>, E-mail: mpu@mpu.ks.gov.ba

1/1



Broj: 09-02-35555/24
Sarajevo, 11.07.2024. godine

KANTON SARAJEVO
MINISTARSTVO FINANSIJA

**PREDMET: Mišljenje na nacrt Zakona o Registru finansijskih
potraživanja u Kantonu Sarajevo.-**

Na osnovu člana 3. stav (1) tačka b) Uredbe o osnivanju Ureda za zakonodavstvo Vlade Kantona Sarajevo ("Službene novine Kantona Sarajevo", broj 20/23) i člana 4. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", broj: 50/17-Dруги нови преčišчени текст, 2/18-Ispravka i 32/22), Ured za zakonodavstvo Vlade Kantona Sarajevo, daje slijedeće

MIŠLJENJE

1. Ured za zakonodavstvo Vlade Kantona Sarajevo (u daljem tekstu:Ured) nema primjedbi na dostavljeni tekst nacrt Zakona o Registru finansijskih potraživanja u Kantonu Sarajevo (u daljem tekstu:Zakon) po pitanju njegove usklađenosti sa odredbama ustava i drugih pozitivno-pravnih propisa koji su navedeni u tekstu nacrt Zakona.

Nacrt Zakona može poslužiti kao polazna osnova za pripremu prijedloga ovog propisa.

Preporuka je Ureda da nosilac pripreme predmetnog materijala u postupku donošenja ovog propisa obavi konsultacije sa jedinicama lokalne samouprave na području Kantona Sarajevo za pitanja koja su sadržana u tekstu nacrt Zakona, a koja ih se direktno tiču.

2. Dostavljeni materijal je pripremljen u skladu sa Uredbom o postupku i načinu pripremanja, izrade i dostavljanja propisa ("Službene novine Kantona Sarajevo", broj: 50/17- Други нови преčišчени текст, 2/18- Ispravka i 32/22), te se isti može razmatrati na jednoj od narednih sjednica Vlade Kantona Sarajevo.

Dostaviti:

1. Naslovu
2. Evidencija
3. Arhiva



VLADA, KANTONA SARAJEVO

“Službene novine Kantona Sarajevo”
Broj 1/96

Na osnovu članova V-1.4. i IX-3(4) Ustava Federacije Bosne i Hercegovine ("Službene novine Federacije BiH", broj 1/94), Skupština Kantona Sarajevo, na sjednici održanoj dana 11. marta 1996. godine, donosi

USTAV
KANTONA SARAJEVO

I - OPĆE ODREDBE

Član 1.

Sadržaj

Ovim Ustavom uređuju se organizacija i status Kantona Sarajevo (dalje: Kanton), njegove nadležnosti i struktura vlasti.

Član 2.

Uspostavljanje Kantona

Područje grada Sarajeva koje je razgraničenjem između entiteta u Bosni i Hercegovini izvršenim Mirovnim sporazumom za Bosnu i Hercegovinu potpisanim u Parizu 14.decembra/prosinca 1995. godine (dalje: Mirovni sporazum) pripalo Federaciji Bosni i Hercegovini (dalje: Federacija), organizira se kao kanton sukladno Ustavu Federacije i ovom Ustavu.

Član 3.

Naziv i sjedište Kantona

Službeni naziv Kantona je: Kanton Sarajevo.

Sjedište Kantona je u Sarajevu.

Član 4.

Teritorij Kantona

Teritorij Kantona obuhvata područja općina Centar Sarajevo, Hadžići, Ilidža, Ilijaš, Novi Grad Sarajevo, Novo Sarajevo, Stari Grad Sarajevo, Trnovo i Vogošća, kako je to utvrđeno Mirovnim sporazumom. Ovaj teritorij se bliže utvrđuje posebnim propisom Skupštine Kantona (dalje:Skupština) sukladno federalnim zakonima.

U slučaju izmjena teritorija Kantona odvajanjem dijelova teritorije radi pripajanja kantonima ili pripajanjem dijelova drugih kantona ovom Kantonu, Skupština daje svoje prethodno mišljenje, a radi njegove potvrde može zatražiti i lično i izjašnjavanje građana sa područja Kantona na neki od propisanih načina.

Član 5.

Službena obilježja Kantona

Kanton ima grb, zastavu, himnu/svečanu pjesmu i pečat, kao i druga obilježja o kojima odluči Skupština.

Službena obilježja Kantona upotrebljavat će se samostalno ili zajedno sa službenim obilježjima Bosne i Hercegovine i Federacije, kako je to određeno njihovim propisima i propisima Kantona.

Za prihvatanje službenih obilježja iz prethodnog stava u Skupštini potrebna je kvalifikovana većina ukupnog broja poslanika.

- b) osigurati suradnju svake osobe i svakog službenika u davanju potrebnih informacija i podataka;
 - c) osigurati pristup i kontrolu na svim mjestima gdje su osobe lišene slobode, zatvorene ili gdje rade;
 - d) omogućiti prisustvo sudskim i upravnim postupcima kao i sastancima organa.
- Nalazi i izvještaji tijela iz stava 1. ovog člana će se razmatrati u nadležnim organima po hitnom postupku, te će na osnovu toga biti preduzimane odgovarajuće mjere gdje to bude potrebno.

III - NADLEŽNOSTI KANTONA

Član 11.

Određivanje nadležnosti

Kanton ima nadležnosti utvrđene Ustavom Federacije i ovim Ustavom.

U slučaju potrebe za tumačenjem, nadležnosti Kantona utvrđene ovim Ustavom će biti tumačene u korist Kantona po principu pretpostavljene nadležnosti, a pojedinačno spomenuta ovlaštenja u ovom Ustavu se neće tumačiti kao bilo kakva ograničenja općih nadležnosti Kantona.

Član 12.

Isključive nadležnosti

U okviru svojih nadležnosti Kanton je nadležan za:

- a) uspostavljanje i nadziranje policijskih snaga;
- b) utvrđivanje obrazovne politike, uključujući donošenje propisa o obrazovanju i osiguranje obrazovanja;
- c) utvrđivanje i provođenje kulturne politike;
- d) utvrđivanje stambene politike, uključujući i donošenje propisa koji se tiču uređivanja i izgradnje stambenih objekata;
- e) utvrđivanje politike koja se tiče reguliranja i osiguravanja javnih službi;
- f) donošenje propisa o korištenju lokalnog zemljišta, uključujući i zadržavanje;
- g) donošenje propisa o unaprijeđivanju lokalnog poslovanja i dobrotvornih aktivnosti;
- h) donošenje propisa o lokalnim postrojenjima za proizvodnju energije i osiguranje njihove dostupnosti;
- i) utvrđivanje politike u vezi sa osiguranjem radija i televizije, uključujući donošenje propisa o osiguranju njihovog rada i izgradnji;
- j) provođenje socijalne politike i uspostava službi socijalne zaštite;
- k) stvaranje i primjena politike turizma i razvoja turističkih resursa;
- l) stvaranje pretpostavki za optimalni razvoj privrede koja odgovara urbanoj sredini;
- m) finansiranje djelatnosti kantonalnih vlasti ili kantonalnih agencija oporezivanjem, zaduživanjem ili drugim sredstvima.

Član 13.

Zajedničke nadležnosti sa Federacijom

Kanton zajedno sa Federacijom, samostalno ili u koordinaciji sa federalnim vlastima vrši slijedeće nadležnosti:

Član 18.

Nadležnosti Skupštine

Skupština Kantona:

- a) priprema i dvotrećinskom većinom usvaja Ustav Kantona;
- b) donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dati u nadležnost Vlade Kantona;
- c) bira i razrješava Predsjednika i podpredsjednika Kantona sukladno Ustavu Federacije i ovom Ustavu;
- d) utvrđuje politiku i donosi programe razvoja Kantona;
- e) potvrđuje imenovanje Premijera, zamjenika Premijera i članova Vlade Kantona;
- f) osniva kantonalne i općinske sudove i utvrđuje njihove nadležnosti;
- g) bira sudije kantonalnih sudova sukladno Ustavu Federacije i ovom Ustavu;
- h) usvaja budžet Kantona i donosi zakone o oporezivanju i na drugi način osigurava potrebno finansiranje;
- i) bira zastupnike u Dom naroda Federacije sukladno Ustavu Federacije;
- j) odlučuje o prijenosu ovlaštenja Kantona na općine i Federaciju;
- k) odobrava zaključivanje ugovora i sporazuma u oblasti međunarodnih odnosa i međunarodne suradnje;
- l) provodi istragu sukladno ovom Ustavu i posebnim propisima;
- m) vrši i druge poslove utvrđene federalnim propisima, ovim Ustavom i kantonalnim propisima.

Član 19.

Način rada Skupštine

Skupština bira predsjedavajućeg i dva njegova zamjenika iz reda izabranih poslanika.

Skupština zasijeda javno, izuzev u slučajevima kada je to predviđeno njenim poslovníkom. Izvještaji o zasjedanjima i donesenim odlukama se objavljuju u sredstvima javnog informiranja.

Način rada Skupštine bliže se uređuje poslovníkom.

Član 20.

Poslanički imunitet

Krivični postupak ili građanska parnica ne mogu biti pokrenuti protiv kantonalnog poslanika, niti kantonalni poslanik može biti zadržan u pritvoru ili ka'njen na bilo koji način zbog iznesenog mišljenja i datog glasa u Skupštini.

Član 21.

Način odlučivanja u Skupštini

U vršenju svojih nadležnosti Skupština donosi zakone, druge propise, te opće i pojedinačne akte (dalje: propisi).

upisanim u zk. uložak broj 2763 K.O. SP. CRNOTINA sa pravom vlasništva KJKP "Sarajevogas" d.o.o. Sarajevo sa dijelom 1/1.

II

Daje se saglasnost Kantonalnom javnom komunalnom preduzeću "Toplane - Sarajevo" d.o.o. Sarajevo da radi obezbjeđenja kredita iz tačke I ove Odluke koje će KJKP "Sarajevogas" d.o.o. Sarajevo zaključiti sa UNION bankom d.d. Sarajevo može u svojstvu sudužnika potpisati kredit kod UNION banke d.d Sarajevo.

III

Ovlašćuje se Muhamed Kozadra vršilac funkcije premijera Kantona Sarajevo da u ime Vlade Kantona Sarajevo potpiše Sporazum o međusobnim obavezama za obezbjeđenje sredstava za vraćanje kredita namijenjenog za sprečavanje obustave isporuke prirodnog gasa Kantonu Sarajevo.

IV

Zadužuje se Vlada Kantona Sarajevo da odobrena sredstva iz tačke I ove Odluke planira u Budžetu Kantona Sarajevo za 2015., 2016., 2017. i 2018. godinu.

V

Zadužuje se Preduzeće da Skupštini Kantona Sarajevo nakon kreditnog zaduženja kod komercijalne banke od odobrenog iznosa iz tačke I ove odluke, namijenjenog za sprečavanje obustave isporuke prirodnog gasa za Kanton Sarajevo, dostavi detaljan izvještaj o utrošku kreditnih sredstava sa kompletnom pratećom dokumentacijom.

VI

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-02-23828/14
03. septembra 2014. godine
Sarajevo

Predsjedavajuća
Skupštine Kantona Sarajevo
Prof. dr. Mirjana Malić, s. r.

Zakonodavno-pravna komisija Skupštine Kantona Sarajevo

Na osnovu člana 8. Zakona o izmjenama i dopunama Zakona o Vladi Kantona Sarajevo ("Službene novine Kantona Sarajevo", broj 38/13) i člana 181. stav 1. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst i br. 15/13 i 47/13), Zakonodavno-pravna komisija Skupštine Kantona Sarajevo, na sjednici 22.08.2014. godine, utvrdila je Novi prečišćeni tekst Zakona o Vladi Kantona Sarajevo.

Prečišćeni tekst Zakona o Vladi Kantona Sarajevo obuhvata: Zakon o Vladi Kantona Sarajevo ("Službene novine Kantona Sarajevo" broj 24/03-Prečišćeni tekst) i Zakon o izmjenama i dopunama Zakona o Vladi Kantona Sarajevo ("Službene novine Kantona Sarajevo", broj 38/13), u kojim je naznačen dan stupanja na snagu tih zakona.

Broj 01-05-22971-1/14
22. augusta 2014. godine
Sarajevo

Po ovlaštenju
Esad Hrvatić, s. r.

ZAKON O VLADI KANTONA SARAJEVO (Novi prečišćeni tekst)

I - OPĆE ODREDBE

Član 1.

Ovim zakonom uređuje se sastav i organizacija, kao i druga pitanja od značaja za rad Vlade Kantona Sarajevo (u daljem tekstu: Vlada Kantona).

Član 2.

Vlada Kantona je izvršna vlast Kantona Sarajevo (u daljem tekstu: Kanton), u skladu sa Ustavom.

Član 3.

Vlada Kantona vrši svoja prava i dužnosti na osnovu i u okviru Ustava i ovog zakona.

Član 4.

Sjedište Vlade Kantona je u Sarajevu.

Član 5.

Vlada Kantona donosi poslovnik o radu kojim se uređuje: organizacija i način rada, postupak i način zakazivanja sjednice; dostavljanje i forma materijala za razmatranje, utvrđivanje prijedloga zaključaka i drugih akata; postupak razmatranja materijala; način ravnopravne upotrebe jezika i pisma konstitutivnih naroda u pripremi i izradi pisanih materijala; način izvršavanja zaključaka; prenošenje ovlaštenja i druga poslovnička pitanja.

Član 6.

Vlada Kantona raspolaže imovinom u vlasništvu Kantona u okviru ovlaštenja koja joj Skupština Kantona prenese posebnim propisom.

II - SASTAV I ORGANIZACIJA VLADE KANTONA

Član 7.

Vladu Kantona čine premijer Kantona (u daljem tekstu: premijer) i 12 ministara.

Član 8.

U slučaju privremene spriječenosti premijera, funkciju premijera vrši član Vlade kojeg odredi premijer.

U slučaju privremene spriječenosti premijera duže od 30 dana, funkciju premijera vrši član Vlade kojeg odredi predsjedavajući Skupštine Kantona, u konsultaciji sa zamjenicima predsjedavajućeg Skupštine Kantona.

U slučaju da mjesto premijera ostane upražnjeno, kandidat za premijera se imenuje u roku od 30 dana od dana kada je mjesto premijera ostalo upražnjeno, na način utvrđen ustavom, do kada funkciju premijera obavlja član Vlade Kantona kojeg odredi predsjedavajući Skupštine Kantona, u konsultaciji sa zamjenicima predsjedavajućeg Skupštine Kantona.

S danom imenovanja kandidata za premijera smatra se da su dosadašnji članovi Vlade u ostavci, koja stupa na snagu danom potvrđivanja imenovanja Vlade u novom sazivu.

Do potvrđivanja imenovanja Vlade u novom sazivu dosadašnji članovi Vlade nastavljaju s obavljanjem funkcije članova Vlade i ministara ministarstava.

Potvrđivanje Vlade u novom sazivu obaviti će se u roku od 30 dana od dana imenovanja kandidata za premijera.

Član 9.

U slučaju privremene spriječenosti člana Vlade, kada se razmatraju materijali iz nadležnosti ministarstva kojim rukovodi odsutni član Vlade, sjednicama Vlade prisustvuje sekretar tog ministarstva, bez prava glasa.

U slučaju privremene spriječenosti člana Vlade duže od 30 dana, funkciju ministra ministarstva kojim rukovodi odsutni ministar vrši član Vlade kojeg odredi premijer.

U slučaju da mjesto člana Vlade ostane upražnjeno, član Vlade se imenuje u roku od 30 dana od dana kada je mjesto člana Vlade ostalo upražnjeno, na način utvrđen ustavom, do kada funkciju ministra ministarstva kojim je rukovodio dotadašnji ministar obavlja član Vlade kojeg odredi premijer.

Ministar iz st. 2. i 3. ovog člana kojeg odredi premijer, ne obavlja i funkciju člana Vlade umjesto odsutnog ministra.

Član 10.

U slučaju kad Skupština izglasa nepovjerenje Vladi, premijer i članovi Vlade podnose pismenu ostavku, najkasnije u roku od

VII - AKTA VLADE KANTONA

Član 26.

Vlada Kantona u ostvarivanju svojih nadležnosti utvrđenih ustavom donosi uredbе, odluke, rješenja i zaključke.

Član 27.

Izuzetno za vrijeme trajanja ratnog stanja ili neposredne ratne opasnosti kada postoji objektivna nemogućnost da se sazove Skupština Kantona, Vlada može donositi i propise iz nadležnosti Skupštine Kantona.

Propisima iz stava 1. ovog člana ne mogu se staviti van snage prava i slobode utvrđene ustavom i drugim propisima.

Propise iz stava 1. ovog člana Vlada će dostaviti Skupštini na potvrdu čim ona bude u mogućnosti da se sastane.

Član 28.

Uredbom se uređuju najvažnija pitanja iz nadležnosti Vlade Kantona, bliže uređuju odnosi za provođenje zakona, obrazuju stručne i druge službe Vlade Kantona i utvrđuju načela za unutrašnju organizaciju organa uprave Kantona.

Odlukom se uređuju pojedina pitanja ili propisuju mjere Vlade Kantona, daje saglasnost ili potvrđuju akta drugih organa ili organizacija i odlučuje o drugim pitanjima o kojima se ne odlučuje uredbom.

Rješenjem se odlučuje o imenovanjima i razrješenjima, kao i o drugim pojedinačnim pitanjima iz nadležnosti Vlade Kantona.

Zaključkom se utvrđuju stavovi o pitanjima od značaja za provođenje utvrđene politike, uređuju unutrašnji odnosi u Vladi Kantona i određuju zadaci organima uprave i službama, kao i radnim tijelima Vlade Kantona. Zaključkom se odlučuje i u drugim slučajevima u kojima se ne donose druga akta.

Član 29.

Uredbe i odluke Vlade Kantona objavljuju se u "Službenim novinama Kantona Sarajevo", a ostali akti Vlade ako je to u njima navedeno.

VIII - JAVNOST RADA VLADE KANTONA

Član 30.

Javnost rada Vlade Kantona obezbjeđuje se u skladu sa zakonom kojim se reguliše sloboda pristupa informacijama u Federaciji Bosne i Hercegovine.

IX - STRUČNE I DRUGE SLUŽBE KANTONA

Član 31.

Za obavljanje stručnih i drugih poslova za potrebe Skupštine Kantona, Vlade Kantona i organa uprave, Vlada Kantona može osnivati određene stručne, tehničke i druge službe, kao zajedničke ili samostalne službe, u skladu sa zakonom.

Aktom o obrazovanju službe iz prethodnog stava, utvrđuje se njen djelokrug, kao i status i odgovornost te službe i lica koje njom rukovodi.

Član 32.

Vlada Kantona vrši nadzor nad radom stručnih službi koje obrazuje.

Sekretar Vlade Kantona rukovodi radom Stručne službe koja obavlja poslove za potrebe Vlade Kantona i odgovoran je za njen rad.

X - PRELAZNE I ZAVRŠNE ODREDBE

Član 33.

Vlada Kantona je dužna donijeti Poslovnik o svom radu u roku od 30 dana od svog konstituisanja.

Član 34.

Vlada Kantona Sarajevo dužna je uskladiti Poslovnik o radu sa odredbama Zakona o izmjenama i dopunama Zakona o Vladi Kantona Sarajevo ("Službene novine Kantona Sarajevo", broj 38/13), u roku od 30 dana od dana njegovog stupanja na snagu.

Član 35.

Poslovnik Izvršnog odbora Grada Sarajeva i drugi propisi koji se odnose na njegovo unutrašnje organizovanje i funkcionisanje, koji su na snazi na dan stupanja na snagu Zakona o Vladi Kantona Sarajevo ("Službene novine Kantona Sarajevo", broj 7/96), ukoliko nisu u suprotnosti sa Ustavom Kantona i ovim zakonom, primjenjivaće se kao propisi Vlade, dok se ne donese Poslovnik o radu Vlade Kantona.

Član 36.

Do imenovanja premijera i članova Vlade u skladu sa Zakonom o izmjenama i dopunama Zakona o Vladi Kantona Sarajevo ("Službene novine Kantona Sarajevo", broj 4/01), poslove iz nadležnosti Vlade vršit će Vlada u dosadašnjem sastavu.

Član 37.

Ovlašćuje se Zakonodavno-pravna komisija Skupštine Kantona Sarajevo da utvrdi Novi prečišćeni tekst Zakona o Vladi Kantona Sarajevo.

Član 38.

Zakon o izmjenama i dopunama Zakona o Vladi Kantona Sarajevo stupio je na snagu osmog dana od dana objavljivanja u "Službenim novinama Kantona Sarajevo", broj 38/13.

Na osnovu člana 16. Zakona o izmjenama i dopunama Zakona o sudskim taksama ("Službene novine Kantona Sarajevo", broj 18/14) i člana 181. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst i br. 15/13 i 47/13), Zakonodavno - pravna komisija Skupštine Kantona Sarajevo, na sjednici 22.08.2014. godine, utvrdila je Prečišćeni tekst Zakona o sudskim taksama.

Prečišćeni tekst Zakona o sudskim taksama obuhvata: Zakon o sudskim taksama ("Službene novine Kantona Sarajevo", broj 21/09), Zakon o izmjenama i dopunama Zakona o sudskim taksama ("Službene novine Kantona Sarajevo", broj 29/09), Zakon o izmjeni Zakona o sudskim taksama ("Službene novine Kantona Sarajevo", broj 14/11), Zakon o izmjenama Zakona o sudskim taksama ("Službene novine Kantona Sarajevo", broj 36/13) i Zakon o izmjenama i dopunama Zakona o sudskim taksama ("Službene novine Kantona Sarajevo", broj 18/14), u kojim je naznačen dan stupanja na snagu tih zakona.

Broj 01-05.22971-2/14
22. augusta 2014. godine
Sarajevo

Po ovlaštenju
Esad Hrvatić, s. r.

ZAKON

O SUDSKIM TAKSAMAMA

(Prečišćeni tekst)

DIO PRVI. OPĆE ODREDBE

Član 1.

(Plaćanje sudske takse)

- (1) Ovim zakonom utvrđuje se način plaćanja sudskih taksa (u daljnjem tekstu: takse) u postupku pred Kantonalnim sudom u Sarajevu i Općinskim sudom u Sarajevu (u daljnjem tekstu: sud).
- (2) Postupci u kojima se plaća taksa i visina takse za pojedine radnje, utvrđeni su u Tarifi sudskih taksi, koja je sastavni dio ovog zakona.

Član 2.

(Obveznik plaćanja takse)

- (1) Takse propisane ovim zakonom plaća lice po čijem zahtjevu ili u čijem interesu se preduzimaju radnje u postupku, za koje je ovim zakonom utvrđeno plaćanje takse (u daljnjem tekstu: takseni obveznik).
- (2) Za podneske i zapisnike koji zamjenjuju podneske taksu je dužno da plati lice koje podnosi podneske i lice na čiji zahtjev

OBRAZAC IZJAVA O FISKALNOJ PROCJENI										Obrazac IFI	
A 1. Obradivač propisa		KOD		NAZIV							
Razdjel		19010001		Ministarstvo finansija Kantona Sarajevo							
B 2. Osnovni podaci o prijedlogu propisa											
Vrsta propisa/akta		Zakon		DA		Odluka		Strategija		NE	
		Uredba		NE		Drugi akti		Drugi akti planiranja		NE	
Naziv propisa/akta		Nacrt zakona o Registru finansijskih potraživanja u Kantonu Sarajevo									
C 3. Izjava o nepostojanju dodatnih fiskalnih efekata predloženog propisa											

Za provođenje zakona o Registru finansijskih potraživanja u Kantonu Sarajevo nisu potrebna dodatna finansijska sredstva u Budžetu Kantona Sarajevo

D 4. Pečat i potpis odgovornog lica obradivača, odnosno predlagača propisa	Dr. Afan Kalamujić	Mjesto i datum	12.07.2024. godine
--	--------------------	----------------	--------------------

